

MISSINGIUT

Nerukkaatissanut akussat pillugit inatsisip Kalaallit Nunaannut atuutilersinneqarnera pillugu peqqussut

UAGUT MARGRETHEP AAPPAAT, Guutip saammaassineratigut Danmarkip Droningia, uppersarparput:

Nerukkaatissanut akussat pillugit inatsimmi nr. 282, 8. maj 1991-imeersumi § 9¹, nerukkaatissanut akussat pillugit inatsisip aamma aalisakkat aamma aalisakkanik tunisassiat pitsaassusiinik misissuineq pillugu inatsisip allangortinneqarnissaannut inatsimmi nr. 225, 27. marts 1996-imeersumi § 4², ukiumut naatsorsuutit pillugit inatsisip aamma inatsisit allat assigiinngitsut allangortinneqarnissaannut inatsimmi nr. 341, 27. april 2011-meersumi § 19³, Ministeriet for Fødevarer, Landbrug aamma Fiskerip susasaqarfiini digitalimik attaveqartussaataa-nermut il. il. aalajangersakkat assigiinngitsut allangortinneqarnissaannut inatsimmi nr. 1459, 17. december 2013-imeersumi § 18⁴, Miljø aamma Fødevareklagenævne pillugu inatsimmi nr. 1715, 27. december 2016-imeersumi § 95⁵ aamma uumasuuteqarneq pillugu inatsisip, inuussutissat pillugit inatsisip aamma nerukkaatissanut akussat pillugit inatsisip allangortinneqarnissaannut inatsimmi nr. 721, 8. juni 2018-imeersumi § 5⁶, malillugit aalajangersarneqarpoq inatsit Kalaallit Nunaannut atuutissasoq imatut allanneqarluni:

§ 1. Inuussutissanut, nunalerinermut aamma aalisarnermut ministerip nerukkaatissanut akussat pillugit malittarisassat aalajangersarsinnaavai, tassunga ilagitillugit suliaqarneq, tunisassiorneq, piliorneq, kinguaassior-titsineq aamma naatitsineq, atuineq, toqqortaateqarneq, pisineq, tunisineq, siammarterineq aamma pilerisaarineq. Aamma ministerip nerukkaatissanut akussanik eqqussineq, avammut tunisassiorneq aamma assartuineq pillugit malittarisassat aalajangersarsinnaavai.

Imm. 2. (Kalaallit Nunaannut atuutilersinneqassanngilaq).

Imm. 3. Inuussutissanut, nunalerinermut aamma aalisarnermut ministerip imm. 1 malillugu aalajangersakkanik aalajangersaanerminut atatillugu ilaatigut makkua pillugit malitassianik aalajangersaasinnaavoq,

1) tunisassiornermik aamma tuniniaanermik suliffeqarfinnik kiisalu nioqqutissanik nunanit allanit tikiussuisitsisartunik nalunaarsuineq aamma akuersineq,

¹) Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut Kalaallit Nunaannut atuutilersinneqarsinnaavoq, Kalaallit Nunaanni pissutsinut immikkut ittunut naapertuuttunik nikinganeqartillugu."

²⁾ Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut Kalaallit Nunaannut atuutilersinneqarsinnaavoq, Kalaallit Nunaanni pissutsinut immikkut ittunut naapertuuttunik nikinganeqartillugu."

³⁾ Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni §§ 1, 3, 5, 8 aamma 9 tamakkiisumik ilaannakortumilluunniit kunngip peqqussutaatigut Kalaallit Nunaannut atuutilersinneqarsinnaapput, Kalaallit Nunaanni pissutsinut immikkut ittunut naapertuuttunik allannguuteqartillugit."

⁴⁾ Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, taamaattoq tak. imm. 2.

Imm. 2. Inatsimmi §§ 1, 4 aamma 7-9 tamakkiisumik ilaannakortumilluunniit kunngip peqqussutaatigut Kalaallit Nunaannut atuutilersinneqarsinnaapput, Kalaallit Nunaanni pissutsinut immikkut ittunut naapertuuttunik allannguuteqartillugit."

⁵⁾ Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni §§ 41, 44, 60, 61, 62, 71, 73, 81, 82 aamma 87 tamakkiisumik ilaannakortumilluunniit kunngip peqqussutaatigut Kalaallit Nunaannut atuutilersinneqarsinnaapput, Kalaallit Nunaanni pissutsinut immikkut ittunut naapertuuttunik allannguuteqartillugit."

⁶⁾ Aalajangersagaq imatut oqaasertaqarpoq: "Inatsit Savalimmiunut aamma Kalaallit Nunaannut atuutinngilaq, kisianni tamakkiisumik ilaannakortumilluunniit kunngip peqqussutaatigut Kalaallit Nunaannut atuutilersinneqarsinnaavoq, Kalaallit Nunaanni pissutsinut immikkut ittunut naapertuuttunik allannguuteqartillugu."

- 2) nerukkaatissanik pilersitsinermut imaluunniit taakkununnga akussanik pilersitsinermut tunisassianik naasuneersunik aamma uumasuneersunik kiisalu akussanik uumassusilinneersunik aamma uumassusilinneersuunngitsunik atuineq,
- 3) tunisassiat saligaatsuunissaat isumannaarniarlugu tunisassiornermik aaqqissuussineq,
- 4) nerukkaatissat akuinik nalunaarsuineq, aamma taakkuninnga poortuineq nalunaaqutsiinerlu,
- 5) nerukkaatissat taaguutaat,
- 6) akussat kissaatigineqanngitsut akuginerinut killigitat aamma nerukkaatissanut akussat akui,
- 7) naajuitsunut laboratorianik akuersineq aamma nakkutilliineq kiisalu misissueqqissaarnermut periutsinik akuersineq aamma sulineranut malitassiat,
- 8) tunisassiornermut, eqqussineranut, peqqumaasiveqarnermut aamma tuniniaanermut naatsorsuutit,
- 9) nerukkaatissanut akussanik pisineranut aamma tunisineranut paasissutissanik tunniussineq, tassunga ilagitillugit nerukkaatissanut akussanut akuutissianik, aammalu taakkununnga paasissutissanik nalunaarutiginnineq,
- 10) inatsisip aamma inatsit malillugu aalajangersakkanik malinninneq pillugu nakkutilliineq kiisalu nakkutilliinerup aamma misissueqqissaarnerup inernerinik tamanut saqqummiussineq aamma
- 11) inatsimmik kiisalu inatsit malillugu malittarisassanik aammalu aalajangersakkanik malinninnermik nakkutilliineranut aamma atuutsitsinermut aningaasartuutitut tamakkiisumik imaluunniit ilaannakortumik akiliineq.

Imm. 4. Imm. 3, nr. 10 malillugu nakkutilliinermit aamma misissueqqissaarnermit inernerusunik tamanut saqqummiussineq pillugu malittarisassanik aalajangersaanermi, ministeri atermik taasilluni nakkutilliineq tunngavigalugu inatsit naapertorlugu imaluunniit inatsit malillugu malittarisassat atuutilersinneqarsimasut malillugit pineqaatissartaliinernut inernerusunik kiisalu suussutsinik aamma annertussutsinik tamanut saqqummiussineranut malittarisassanik aalajangersaasinnaavoq. Tassunga ilagitillugu ministeri maalaaruteqarnerup kinguartitsinermik kinguneqannginnissaanut malittarisassanik aalajangersaasinnaavoq. Aamma ministeri qanoq ililluni aamma qanoq ittunik nakkutilliinermit inernerusut nakkutilliivimmi tamanut saqqummiunneqarsinnaanerannut malittarisassanik aalajangersaasinnaavoq.

Imm. 5. Ministeri tamanut saqqummiussinerup ilusissaa aamma annertussusissaa pillugit malittarisassanik aalajangersaasinnaavoq, tassunga ilagitillugu saqqummiussinerup elektroniskikkut pisinnaanera. Ministerip aalajangersinnaavaa, inernerusut ilaat saqqummiunneqassanngitsut.

Imm. 6. Ministerip aalajangersinnaavaa, nakkutilliinermik inernerusunut tunngatillugu ministerip pilersitaa edb-ikkut paasissutissiissut tunngavigalugu saqqummiussineq pissasoq. Ministeri qaqugukkulluunniit, tassunga ilagitillugu piffissap ilaani, paasissutissiissummiit tiguisussanut aalajangersimasunut, paasissutissanik ataasiakkaanik imaluunniit amerlasuunik ingerlatitseqqiisinnaavoq. Kinaluunniit paasissutissiissummiit paasissutissanik nalunaaruteqarfigineqarsinnaavoq, tamanut saqqummiunneqarsimasunik, imaluunniit tamanut saqqummiunneqartussanik. Paasissutissanik nalunaaruteqarfigineqarsinnaanermi paasissutissat ataasiakkaat aamma amerlasuut ilaatinneqarput.

Imm. 7. Ministeri imm. 3, nr. 9 naapertorlugu nalunaarutiginninnerup oqartussaqaarfimmut allamut ingerlanneqarnissaanut malittarisassanik aalajangersaasinnaavoq.

Imm. 8. Malittarisassani aamma aalajangersakkani imm. 1 aamma 2 malillugu aalajangersarneqarsimasuni tunisinermik, agguataarinermik, tunniussinermik imaluunniit allatut tunniussinermik nittarsaanermut malittarisassanik aalajangersaasoqarsinnaavoq.

§ 1 a. Inuussutissalerinermut, nunalerinermut aamma aalisarnermut ministerip Ministeriet for Fødevarer, Landbrug aamma Fiskerimut tassanngaanniillu pisut, inatsimmi imaluunniit inatsit malillugu malittarisassani atuutilersinneqarsimasuni pineqartut, pillugit allakkatigut attaveqarnerit digitalimik ingerlanneqarnissaannut malittarisassanik aalajangersaasinnaavoq.

Imm. 2. Ministeri digitalimik attaveqarneq pillugu malittarisassanik erseqqinnerusunik aalajangersaasinnaavoq, tassunga ilagitillugit it-kkut atortorissaarutinik aalajangersimasunik, digitalimik suussutsit immikkuullarissunik aamma digitalimik atsiornernik imaluunniit assigisaannik atuinermut malittarisassat.

Imm. 3. Digitalimik nalunaarut apuussimasutut isigineqassaaq, nalunaarut tiguisussamit tiguneqarsinnaanngorsimagaangat.

§ 1 b. Aalajangiinerit aamma allagaatit allat, elektroniskimik datanik suliarinninneq tunngavigalugu taamaallaat aalajangiivigineqarsimasut imaluunniit atuutilersinneqarsimasut, taamaallaat ministeriap nassiussisutut taaneqarneratigut atuutilersinneqarsinnaanerat pillugu Inuussutissalerinermut, Nunalerinermut aamma Aalisarnermut Ministeri malittarisassanik aalajangersaasinnaavoq.

§ 1 c. Inatsit manna malillugu imaluunniit inatsit manna malillugu malittarisassat atuutilersinneqarsimasut malillugit allagaatip inuussutissalerinermut, nunalerinermut aamma aalisarnermut ministeriunngitsumit atuutilersinneqarsimasup, atsiorneqarsimanissaanut piunasaqaat naammassineqarsinnaavoq teknikkimik atuinikkut, atuutilersitsisumik kinaassusersiinikkut isumannaarisumik, taamaattoq tak. imm. 2. Allagaatit taamaattut allagaatinut inummit atsiorneqarsimasunut sanillersuuneqassapput.

Imm. 2. Ministeri atsiornissamut piunasaqaammik saneqqutsinissamut malittarisassanik erseqqinnerusunik aalajangersaasinnaavoq. Tassunga ilagitillugu aalajangersarneqarsinnaavoq, allagaatit ilaannut tunngatillugu inuup atsiornissaanut piunasaqaammik saneqqussisinnaannginneq.

§ 2. Eqqussinermi aamma tunisinermi nerukkaatissanut akussat malittarisassat aamma aalajangersakkat § 1 malillugu aalajangersarneqarsimasut naammassissavaat, peqqissuussapput aamma eqqunngitsuussanngillat aammalu nalinginnaasumik pitsaassuseqassallutik kiisalu tuniniarneqassanngillat putusaarinertalimmik.

Imm. 2. Nerukkaatissanut akussat tuniniarneqassanngillat, pasinarsimappat inuit imaluunniit uumasut peqqissusaannut imaluunniit avatangiisinut ulorianartorsiortitsisinnaasut siunertaq naapertorlugu atuinermi.

Imm. 3. Nerukkaatissanut akussat, malitassianik aalajangersakkanik malinninngitsut, imaluunniit pasinarsimappat inuit imaluunniit uumasut peqqissusaannut imaluunniit avatangiisinut ulorianartorsiortitsisinnaasut, nerukkaatissanut atorneqassanngillat.

Imm. 4. Inuussutissalerinermut, nunalerinermut aamma aalisarnermut ministerip peqqussuteqarnermut aamma inerteqquteqarnermut nalunaaruteqarsinnaavoq, imm. 1-3-nik kiisalu aalajangersakkanik § 1 malillugu aalajangersarneqarsimasunik malinninnissamut pisariaqartutut isigineqartunik. Tassunga ilagitillugu ministerip nerukkaatissanut akussat ilaannik imaluunniit nassiussanik atuinissaq inerteqqutigisinnaavaa, misissuinerup aallartinneqarsimasup inernerata pissarsiarineqarnissaata tungaanut. Ministerip aamma aalajangersarsinnaavaa, nerukkaatissanut akussat, malitassianik aalajangersakkanik malinninngitsut, taakkununga naapertuutilernissaat, nerukkaatissatuunngitsoq allanut atorneqarnissaat, suujunnaarsinneqarnissaat, nerukkaatissanut akussat kingullertut atorneqarfimminninngaanniit utertinneqarnissaat, pilersitsineq il. il. imaluunniit nerukkaatissanut akussanik tuniniaanerup unitsinneqarallarnissaa imaluunniit, nerukkaatissanut akussat pineqartillugit, nunamit allamiit nunamut eqqunneqarsimasut, utertinneqarnissaat.

Imm. 5. Imm. 4 malillugu peqqussuteqarnerup aamma inerteqquteqarnerup kingunerisaanik aningaasartuutit, pineqaatissinneqartumut pisussaaffittut tutsinneqassapput.

§ 2 a. Inuussutissalerinermut, nunalerinermut aamma aalisarnermut ministerip inerittunik sumiiffinni mingutsinneqarsimasuni uumasunut nerukkaatissatut aalajangerneqarsimasunik naatitsineq inerteqqutaatissinnaavaa imaluunniit killilersorsinnaavaa, tassunga ilagitillugit radioaktiviusunik nakkaatitsiviusimasut. Ministerip nerukkaatissanut akussanik piffinni taamaattuni naatinneqarsimasunik tunisinnisaq aamma atuinissaq inerteqqutaatissinnaavaa.

§ 2 b. Inuussutissalerinermut, nunalerinermut aamma aalisarnermut ministerip ajutoortoqarneranut aamma ajunaarnersuaqarneranut atatillugu, tassunga ilagitillugit sorsunnerit, uumasunut nerukkaatissanik tunisassiorneq aamma tunisassianik atuneq iluaqutaanerpaaq isumannaarniarlugu, malittarisassat aalajangersarsinnaavai aammalu aalajangersakkat aalajangersinnaavai, mingutsitsineq il. il. pinngitsoortinniarlugit aammalu nerukkaatissanut akussanik pilersuineq isumannaarniarlugu. Tassunga ilagitillugu ministerip inatsimmi malittarisassat aalajangersarneqarsimasut saneqqunneqarnissaannut malittarisassat aalajangersarsinnaavai imaluunniit aalajangersakkat aalajangerlugit.

Imm. 2. Imm. 1-imi malittarisassat aalajangersakkat imaluunniit aalajangersakkat aalajangikkat nerukkaatissanut akussanik piginnittunut il. il. aningaasaqarnikkut annaasaqarnermik kinguneqarpata, naalagaaffik taarsiisussaataaassaaq.

Imm. 3. Taarsiisuteqarneq ivertinneqassaaq isumaqatigiissutinik amigaateqarnermi, malittarisassanut ministerimit aalajangersarneqartussanut naapertuuttumik.

§ 3. Inuussutissalerinermut, nunalerinermut aamma aalisarnermut ministerip, imaluunniit taassuma ministerip tamatumunnga piginnaatitaa, pissusissamisoortumik kinaassutsimut uppersaasiinikkut aammalu eqqartuussisup aalajangeranik tunngaveqarani nammineq pigisanut aamma pisortat pigisaannut isersinnaatitaavoq, § 2-p aammalu § 1 malillugu aalajangersakkat eqquutsinneqarnissaannik nakkutilliinermut tunngatillugu tamanna pisariaqarpat, aammalu akissarsissutiginaq misissuinissamut misiligutinik tiguisinnaalluni.

Imm. 2. Suliffeqarfiit, tikiussuisitsisartut kiisalu nerukkaatisanut akussanik piginnittut aamma atuisut nalunaarsugaasut aamma akuerisaasut, noqqaasoqarneratigut paasissutissat, aalajangersakkat aalajangersarneqarsimasut eqquutsinneqarnerannik nakkutilliinermut pisariaqartut, ministerimut tunniutissavaat aammalu nakkutilliinerup naammassineqarnerani ikiuineq pisariaqartinneqartoq tunniutissallugu.

§ 3 a. Inuussutissalerinermut, nunalerinermut aamma aalisarnermut ministerip aalajangersinnaavaa, misiligutit misissuinernut aalajangersimasunut atatillugu tiguneqarsimasut, allamik siunertaqarluni misissorneqarsinnaasut.

Imm. 2. Ministerip aamma aalajangersinnaavaa, misissueqqissaarnerup inerneru, misissuinernut aalajangersimasunut atatillugu anguneqarsimasut, siunertanut allanut atorneqarsinnaasut.

§ 4. (Kalaallit Nunaannut atuutilersinneqassanngilaq).

§ 4 a. Akiliinissamut pisussaaffiit, inatsit manna naapertorlugu aalajangersarneqarsimasut aammalu oqartussaqaarfimmut akitsuutinik piunasaqartumut eqquutsitsilluni naammassineqarsimannngitsut, ilaneqassapput, peqqussutikkut allamik aalajangersaasoqarsimannngippat, ukiumoortunik ernianik, erniat pillugit inatsimmi § 5-imi erniaasoq malillugu. Taamaattoq erniaq ilanngunneqartoq minnerpaamik 50 kr.-niussaaq. Allakkanut eqqaasitsissutinut 100 kr.-mik akiliuteqartoqartassaaq, aaqqiilluni procentiliisarneq pillugu inatsimmi § 3 naapertorlugu aaqinneqartartumik.

§ 5. Inuussutissalerinermut, nunalerinermut aamma aalisarnermut ministerip inatsit manna malillugu piginnaatitaanini ministeriap ataaniittumut pisortaqaarfimmut imaluunniit allaffeqaarfimmut allamut inissippagit, aalajangiinerit pillugit maalaaruteqarsinnaanermut pisinnaatitaaneq naapertorlugu aalajangikkat pillugit aalajangersakkanik ministeri aalajangersaasinnaavoq, tassunga ilagitillugit aalajangikkat allattoqaarfimmut qulliunerusumut ingerlateqqinneqarsinnaannginneri aammalu maalaarummik tunniussisoqareerneratigut oqartussaqaarfiup suliamik suliareqqitassanngortitsisinnaanera. Aamma ministerip maalaarutinik tunniussineq pillugu malittarisassanik aalajangersaasinnaavoq, tassunga ilagitillugit maalaarutip ilusilerneqarnissaanut piunasaqaatit.

Imm. 2. Inuussutissalerinermut, nunalerinermut aamma aalisarnermut ministerip pineqartoq ministeri isumaqatiginiareerneratigut aamma Namminersorlutik Oqartussat isumaqatiginiareernerisigut inatsit malillugu piginnaatitaanini naalagaaffimmi oqartussaqaarfimmut imaluunniit suliffeqaarfimmut allamut inississinnaavai. Tassunga atatillugu ministerip taakkua oqartussaqaarfiit imaluunniit suliffeqaarfiit aalajangiineri pillugit maalaaruteqarsinnaanermut malittarisassat aalajangersarsinnaavai, tassunga ilagitillugit maalaarutip oqartussaqaarfimmut allamut tunniunneqarsinnaannginnera, aammalu oqartussaqaarfiup imaluunniit suliffeqaarfiup suliamik suliareqqitassanngortitsisinnaanerannut periarfissaat, maalaarummik tunniussisoqareerneratigut.

§ 5 a. Inatsit manna naapertorlugu imaluunniit taanna malillugu malittarisassat atuutilersinneqarsimasut malillugit, inatsimmi allatut imaluunniit taanna naapertorlugu malittarisassat atuutilersinneqarsimasut malillugit aalajangersaasoqarsimangippat, aalajangiinerit Miljø- og Fødevareklagenævnet maalaarutigineqarsinnaapput, nævnep immikkoortorta qarfiisa ilaani suliarineqartussat, tak. Miljø- og Fødevareklagenævne pillugu inatsimmi § 3, imm. 1, nr. 4 imaluunniit 8, taamaalillutik allaffissornikkut oqartussa qarfimmii allamut tunniunneqarsinnaanatik.

Imm. 2. Miljø- og Fødevareklagenævnet maalaaruteqarneq allakkatigut oqartussa qarfimmu aalajangiisimasumut tunniunneqassaaq, digitalimik nammineq kiffartuussissut atorlugu, taamaattoq tak. Miljø- og Fødevareklagenævne pillugu inatsimmi § 21, imm. 2-4. Oqartussa qarfiup, aalajangiineq taamaatsiinnarniaruniuk, maalaarutip tigungerata kinguinnguutigut aamma sapaatip akunneri 3-t qaangiutinnginnerini maalaarut maalaaruteqartarfimmu ingerlateqqissavaa. Maalaarutip ingerlateqqinneqarnerani aalajangiineq maalaarutigineqartoq, allagaatit suliap nalilerneqarneranut atorneqarsimasut, aamma oqartussa qarfimmii oqaaseqaat, oqartussa qarfiup suliamut oqaaseqaataanik ilaqartut, aammalu maalaarummi maalaarutigineqartut, ilanngunneqassapput.

§ 6. Inuussutissalerinermu, nunalerinermu aamma aalisarnermu ministerip uani inatsimmi malittarisassanik aalajangersaanissamut piginnaatinneqarfiini, oqaaseqaatinik piniartoqassaaq Namminersorlutik Oqartussat inatsisaanni kap. 5 naapertorlugu.

Imm. 2. Taamaattoq imm. 1 naapertorlugu ministeri oqaaseqaatinik pinianggissinnaavoq, tamanna, piffissaq pissutigalugu imaluunniit alla pissutigalugu, periarfissaanngippat.

§ 7. Inatsit alla malillugu pineqaatissat sakkortuut nammineq pisuussutigineqanngippata akiliisitsinermik eqqartuussisoqarsinnaavoq,

- a) § 2, imm. 1-3-nik, aamma § 3, imm. 2-mik unioqutitsisumut,
- b) § 2, imm. 4, § 2 a aamma § 2 b, imm. 1 malillugit nalunaarutigineqartumik peqqussummik aamma inerteqqummik malinninngitsumut.

Imm. 2. Inatsit malillugu malittarisassani aamma aalajangersakkani atuutilersinneqartunik, malittarisassani aalajangersakkanik unioqutitsinermu akiliisitsinermik aalajangersaasoqarsinnaavoq.

Imm. 3. Suliffeqarfiit il. il. (inatsisitigut pisussaataasut) unioqutitsinerinut akiligassinneqarnikkut akisussaaffimmik suliffeqarfimmu peqqussuteqartoqarsinnaavoq.

Imm. 4. Aalajangersakkanik imm. 1-imi taaneqartunik unioqutitsinermu imaluunniit malittarisassanik imm. 2 malillugu aalajangersarneqartunik unioqutitsinermu akiliisitsinermik annertussusiliinermu nalinginnaasuusumik naleqquttumik sakkortusaataassaaq, unioqutitsinermu atatillugu siaruaatsisisinnaaneq ulorianaataasimappat, tassunga ilagitillugu uumasuni kukiffalinni nappaatinik tunillaassortunik ingasattunik nalunaarutigineqartussaataasunik eqqussineq, uumasuni nappaatit aamma aseruuttoornerit pillugit inatsisip Kalaallit Nunaannu atuutilersinneqarnissanut peqqussummi nr. 524, 8. juni 2004-meersumut ilanngussaq 2-mi aalajangersarneqarsimasutut.

§ 8. Unioqutitsineq nalilerneqarpat § 7 naapertorlugu akiliisitsinermik pineqaatissinneqarnermik taamaallaat kinguneqartussatut, inuussutissalerinermu, nunalerinermu aamma aalisarnermu ministerip nalunaarutigisinnaavaa, suliap eqqartuussinertaqanngitsumik aalajangiiffigineqarsinnaanera, taanna unioqutitsisimasoq, unioqutitsinermu pisuusutut nalunaarpat aamma piffissarititaasup qaangiutinnginnerani, piunasaqaateqarnikkut sivitsorneqarsinnaasoq, akiligassatut nalunaarutigineqartup akilernissanut nalunaarpat.

Imm. 2. Akiligassaq piffissaq eqqorlugu akilerneqarpat, imaluunniit akuersinerup kingorna akiliisitsiniarnikkut akilerneqarpat malersuineq unitsinneqassaaq.

§ 9. Peqqussut atuutilissaaq ulloq 1. januar 2023.